

SeeSnake® Standard

Құбыр тексеру жүйесі



⚠ ЕСКЕРТУ!

Осы құралды пайдаланбас бұрын осы нұсқаулықты мұқият оқып шығыңыз. Осы нұсқаулықты дұрыс түсінбеу және қадағаламау электр тогының соғуына, өртке және/немесе ауыр жарақатқа әкелуі мүмкін.

SeeSnake Standard құрылғысын пайдалану жайлы қосымша ақпарат қажет болса, **support.seesnake.com/standard** мекенжайына өтіңіз не QR кодын сканерлеңіз.



Мазмұны

Кіріспе

| | |
|--------------------------------|---|
| Ереже жайлы мәлімдемелер | 3 |
| Қауіпсіздік белгілері | 3 |

Жалпы қауіпсіздік ережелері

| | |
|-------------------------------------|---|
| Жұмыс орнындағы қауіпсіздік | 4 |
| Электр қауіпсіздігі | 4 |
| Жеке қауіпсіздік шаралары | 4 |
| Құрылғыны пайдалану және күту | 5 |
| Қолдану алдында тексеру | 5 |

SeeSnake стандарттарына жалпы шолу

| | |
|--------------------------------|---|
| Сипаттама | 6 |
| Техникалық сипаттамалары | 7 |
| Жүйе бөлшектері | 8 |

Қауіпсіздікке қатысты арнайы ақпарат

| | |
|--------------------------------------|---|
| SeeSnake Standard қауіпсіздігі | 8 |
|--------------------------------------|---|

Пайдалану нұсқаулығы

| | |
|--|----|
| Орналастыру | 9 |
| Тексеру процедурасына жалпы шолу | 9 |
| Құбыр бағыттауыштары | 9 |
| CountPlus өлшегіші | 10 |
| Пернетақта | 10 |

Күтім және қолдау көрсету

| | |
|---|----|
| Тазалау | 11 |
| Бөлшектеріне күтім көрсету | 11 |
| Сақтау | 11 |
| Қолдау көрсету | 11 |
| Техникалық қызмет көрсету және жөндеу | 11 |
| Қоқысқа тастау | 11 |

Кіріспе

Нұсқаулықта аталған ескертулер, "абайлаңыз" ескертулері және нұсқаулар орын алуы ықтимал барлық жағдайларды қамтымайды. Пайдаланушы ақыл-парасат пен сақтандыру шараларын осы құрылғыда ендіруге болмайтын факторлар екенін, сондықтан оларды пайдаланушы өзі барынша қолдануы қажет екенін түсінуі тиіс.

Ереже жайлы мәлімдемелер

CE Еуропалық комиссия талаптарына сәйкестік туралы мәлімдеме (890-011-320.10) тұтынушы сұраған кезде осы пайдалану нұсқаулығымен бірге қосымша кітапша ретінде беріледі.

FCC Бұл құрылғы Федералдық байланыстар комиссиясының (FCC) ережелерінің 15-бөліміне сәйкес. Бұл құрылғыны пайдалану үшін мына екі шарт орындалуы керек: (1) бұл құрылғы зиянды кедергілерді туындатпауы тиіс және (2) бұл құрылғы кез келген кедергіні, соның ішінде қажетсіз жұмысқа әкелуі мүмкін кедергілерді де қабылдауы керек.

Қауіпсіздік белгілері

Осы пайдаланушы нұсқаулығында және осы өнімде пайдаланылатын қауіпсіздік белгілері және ескерту сөздері қауіпсіздік жайлы маңызды ақпаратты беру үшін пайдаланылады. Бұл бөлімде осындай белгілер мен ескертулердің түсініктемелері берілген.



Бұл – қауіп жайлы ескерту белгісі. Ол сізге жарақат алу қаупі болуы мүмкін екенін ескерту үшін қолданылады. Жарақат алу немесе өлім қаупінің алдын алу үшін, осы белгінің астындағы қауіпсіздік ескертулерін бұлжытпай орындаңыз.

⚠ ҚАУІПТІ

"ҚАУІПТІ" белгісі абайламаған жағдайда өлім не қатты жарақат алу қаупі бар екенін ескертеді.

⚠ ЕСКЕРТУ

"ЕСКЕРТУ" белгісі абайламаған жағдайда өлім не қатты жарақат алу қаупі болуы мүмкін екенін ескертеді.

⚠ АБАЙЛАҢЫЗ

"АБАЙЛАҢЫЗ" белгісі абайламаған жағдайда жеңіл-желпі жарақат алу қаупі бар екенін ескертеді.

ЕСКЕРТПЕ

"ЕСКЕРТПЕ" белгісі дүние-мүлікті қорғауға қатысты ақпаратты білдіреді.



Бұл белгі құрылғыны пайдаланушы нұсқаулығын пайдаланбас бұрын мұқият оқу қажет екенін білдіреді. Бұл нұсқаулықта құрылғыны қауіпсіз және дұрыс пайдалану жайлы ақпарат берілген.



Бұл белгі құрылғыны пайдаланғанда көзді жарақаттау қаупін азайту мақсатында әрқашан екі жағынан қалқандалған көзілдірікті не қауіпсіздік көзәйнегін кию қажет екенін ескертеді.



Бұл белгі тоқ соғу қаупі бар екенін ескертеді.

Жалпы қауіпсіздік ережелері

⚠ ЕСКЕРТУ



Барлық қауіпсіздік ескертулерін және нұсқауларды оқыңыз. Ескертулер мен нұсқауларды орындамау себебінен тоқ соғу, өрт шығу және/немесе қатты жарақат алу қаупі төнеді.

ОСЫ НҰСҚАУЛАРДЫ САҚТАП ҚОЙЫҢЫЗ!

Жұмыс орнындағы қауіпсіздік

- Жұмыс орны таза және жарық болуы тиіс. Заттары ыбырсыған және қараңғы жерлер апатқа себеп болуы мүмкін.
- Құрылғыны жарылғыш сұйықтықтар, газдар немесе шаң жиналған жарылыс мүмкіндігі бар ортада қолдануға болмайды. Бұл құрылғы жанғыш шаңды немесе жылдам тұтанатын нәрселерді тұтандыруы мүмкін ұшқындарды шығарады.
- Құрылғыны пайдаланғанда балаларды және маңайдағы адамдарды оған жақындатпаңыз. Жұмыс барысында басқа нәрсеге алаңдау салдарынан бақылауды жоғалтып аласыз.

Электр қауіпсіздігі

- Құбырлар, радиаторлар, электрлік пештер және тоңазытқыштар сияқты жерге қосылған немесе тұйықталған нәрселерге дене тигізу қауіпті болып табылады. Егер денеңіз жерге қосылған нәрсеге тисе, денені тоқ соғу қаупі жоғары болады.
- Құрылғыны жаңбыр не басқа сұйықтықтар тиюі мүмкін жағдайлардан қорғаңыз. Құрылғының ішіне су кіріп кетсе, тоқ соғу қаупі жоғары болады.
- Қуат сымдарын құрғақ күйінде ұстаңыз және олардың еденде қалмауын қадағалаңыз. Құрылғыны не қуат ашасын су қолмен ұстау тоқ соғу қаупін арттырады.
- Қуат сымна зақым келтірмеңіз. Құрылғыны тасымалдау, тарту немесе оны қуат көзінен ажырату үшін ешқашан қуат сымнан ұстап тартпаңыз. Қуат сымын жылу көздерінен, майлы заттардан, өткір немесе жылжымалы заттардан қашықта ұстаңыз. Бүлінген немесе шатасып қалған сымдар тоқ соғу қаупін арттырады.
- Егер құрылғыны ылғалды жерде қолдану қажет болса, жерге қосу желісін автоматты түрде ажырату құрылғысымен (GFCI) қорғалған жүйелерді пайдаланыңыз. Жерге қосу желісін автоматты түрде ажырату құрылғысы тоқ соғу қаупін азайтады.

Жеке қауіпсіздік шаралары

- **Абайлаңыз: құрылғыны пайдаланғанда әрқашан сақ болыңыз.** Шаршап тұрғанда немесе есірткі, арақ және дәрі әсерінде болған жағдайда, құрылғыны пайдаланбаңыз. Құрылғыны пайдалану кезінде назарыңыз басқа нәрсеге ауып кетсе, қатты жарақат алу қаупі туындауы мүмкін.
- **Киіміңіз сәйкес болуы тиіс.** Кең киім кимеңіз және әшекей бұйымдарын тақпаңыз. Кең киім, әшекейлер және ұзын шаш жылжымалы заттарға ілініп қалуы мүмкін.
- **Гигиена талаптарын орындаңыз.** Сорғыны пайдаланған соң, қолыңызды және басқа ластанған дене бөліктерін ыстық сумен сабындап жуыңыз. Улы және зарарды материалдардан қорғану үшін сорғыны пайдаланған немесе сорғыны құбырды тексеру үшін пайдалану кезінде шылым шегуге не тамақ жеуге болмайды.
- **Құрылғыны пайдаланғанда не оны ағызу құбырларында пайдаланғанда, тиісті қорғаныс жабдықтарын қолданыңыз.** Құбырларда улы, зарарлы не теріні күйдіретін химиялық улы заттар, бактериялар және басқа да зиянды заттар болуы мүмкін. Тиісті жеке қорғану жабдықтарына қорғаныс көзілдірігі, шаңнан қорғайтын бетперде, қатты бас киім, құлақ қорғау жабдығы, құбыр тазалауға арналған қолғаптар, латекс не резеңке қолғаптар, бет қалқаны, қалқанды көзілдіріктер, арнайы киімдер, тыныс алу құралдары, ұшы темір және сырғымайтын аяқ киімдер жатады.
- **Құбыр тазалау және тексеру құрылғысын пайдаланғанда, құбыр тазалауға арналған RIDGID қолқабын киіңіз.** Сорғының айналмалы кабелін басқа қолғаптармен, әсіресе шүберекпен ұстамаңыз, себебі ол кабельге оратылып, жарақат алуға себеп болуы мүмкін. Құбыр тазалауға арналған RIDGID қолғабының ішіне тек латекс не резеңке қолғап киіңіз. Құбырды тазалау үшін зақымданған қолғапты кимеңіз.

Құрылғыны пайдалану және күту

- **Құрылғыға шамадан тыс күш түсірмеңіз.** Қолдануға арналған тиісті жабдықтарды пайдаланыңыз. Тиісті жабдық жұмысты жақсырақ және анағұрлым қауіпсіз орындау үшін маңызды.
- **Қуат қосқышын қосу не өшіру мүмкін болмаса, құрылғыны пайдаланбаңыз.** Қуат қосқышы жұмыс істемейтін құрылғы қауіпті болып табылады, оны алдымен жөндеу қажет.
- **Құрылғы орнын ауыстырғанда, қосымша құралдарын ауыстырғанда немесе оны сақтау үшін жинап қойғанда, қуат ашасын ажыратыңыз не батареясын шығарып алыңыз.** Сақтық шараларын орындау жарақат алу қаупін азайтады.
- **Құрылғыны балалардың қолы жетпейтін жерге қойыңыз және оны пайдалану жолдарын не нұсқауларын білмейтін адамдарға қолдануға рұқсат бермеңіз.** Дайындығы жоқ адамның қолында құрылғы қауіпті болуы мүмкін.
- **Құрылғыны күту.** Құрылғының жылжымалы бөліктерінің дұрыс тураланғанын және жақсылап бекітілгенін, бөлшектерінің түгелдігін, сынбағанын және құрылғы жұмысына әсер етуі мүмкін басқа да жағдайлардың бар-жоғын тексеріңіз. Егер құрылғының зақымданған жері болса, оны пайдаланбас бұрын жөндеңіз. Көптеген апаттар құрылғыны дұрыс қолданбау салдарынан болады.
- **Шамадан тыс күш салмаңыз.** Барлық уақытта оның аяқтарының беріктігін және тепе-теңдігін қадағалаңыз. Бұл күтпеген жағдайларда құрылғыны жақсырақ басқаруға мүмкіндік береді.
- **Құрылғы мен қосымша құралдарды жұмыс шарттары мен орындалатын жұмыс түрін ескере отырып, осы нұсқауларға сай пайдаланыңыз.** Құрылғы жабдықтарын мақсатынан тыс нәрселерге пайдалану қауіпті жағдайларды туындатуы мүмкін.
- **Құрылғы өндірушісі ұсынған қосымша құралдарды ғана пайдаланыңыз.** Бұл құрылғыға жарамды қосымша құралдарды басқа құрылғыға пайдалану қауіп туындатуы мүмкін.
- **Тұтқалары әрқашан құрғақ, таза және май мен кірден таза болуы тиіс.** Тұтқалар таза болса, құрылғымен жұмыс істеу де қолайлырақ болады.

Қолдану алдында тексеру

⚠ ЕСКЕРТУ



Тоқ соғу не басқаша жарақат алу не құрылғыға зақым келу қаупін азайту үшін, құрылғыны тексеріп, барлық ақаулықтарын құрылғыны пайдалануға дейін жою қажет.

Құрылғыны тексеру үшін, мына қадамдарды орындаңыз:

1. Құрылғыны өшіріңіз.
2. Барлық сымдарын, кабельдерін және қосқыштарын ажыратып, жалпы күйін тексеріп алыңыз.
3. Құрылғыны пайдалану не тасымалдау кезінде қолыңыздан сырғып кетіп, құлатып алмас үшін, құрылғының шаңын сүртіп, май не лас жерлерін тазалап алыңыз.
4. Құрылғының қалыпты жұмысына кедергі келтіруі ықтимал бұзылған және тозған бөлшектерін, дұрыс салынбаған не мүлдем салынбаған бөлшектерін, жалғанған бөлшектерінің мықтылығын және жалпы күйін тексеріп алыңыз.
5. Күйінің қолдануға жарамдылығын тексеру үшін, барлық басқа жабдықтарына қатысты нұсқауларды қараңыз.
6. Жұмыс орнын тексеріңіз:
 - Жарықтандыру деңгейі талапқа сәйкес.
 - Маңайда жылдам тұтанғыш сұйықтықтардың, будың не жылдам тұтанатын шаңның болмауы. Егер болса, онда жұмысты тиісті шаралар қолданылғанша бастамаңыз. Бұл құрылғы жарылыстан қорғалмаған. Электр сымдарының жалғанған жерлерінен ұшқындар шығу мүмкін.
 - Жұмыс орны таза, тегіс, берік және құрғақ болуы керек. Құрылғыны суда тұрып пайдаланбаңыз.
7. Орындалатын жұмыс түрін анықтап, оған сай құрылғыны таңдаңыз.
8. Жұмыс орнын тексеріп, қажетінше басқа адамдарды бөгейтін қалқандарды қойыңыз.

8-беттегі өнімге қатысты қауіпсіздік жайлы қосымша ақпарат пен ескертулерді қараңыз.

SeeSnake стандарттарына жалпы шолу



Сипаттама

RIDGID® SeeSnake® Standard құбыр тексеру жүйесі – SeeSnake алғашқы диагностикалық жүйелер тобындағы жиналмалы камера шарғысы.

Standard шарғысы 51 мм – 305 мм [2 дюйм – 12 дюйм] түтіктерді тексеруге оңтайлы және ол 61 м [200 фут] немесе 99 м [325 фут] итермелі кабельмен бірге жабдықталады. Итермелі кабель пластик әйнекпен қапталып, қыры өткір 90° бұрылыстардан өтуге және камера басын тереңірек итеріп апаруға икемделіп жасалған. Деңгейі өздігінен теңесетін камера басы бейнені тігінен ұстауға көмектеседі.

Әрбір Standard шарғысында түтіктегі қажетті орынды табу үшін Flexmitter® зонды орнатылған. Flexmitter зондтарының сигналды күштірек шығаратын және бұрылыстарда камера икемділігін сақтайтын ұзынырақ және күштірек антенналары бар.

Standard шарғысы тексеру деректерін жазу және тарату үшін кез келген SeeSnake монитормен жұмыс істейді. Кәсіби мультимедиялық хабарларды тұтынушыларға жылдам және оңай жіберу үшін CSx Series сандық хабарлау монитормен жұптаңыз.

Орамдағы CountPlus жабдығы камераның түтік ішіне қаншалықты терең кіргенін өлшейді. Күн, уақыт, қашықтық, әдепкі мәндер немесе арнайы мәтін қабаттары сияқты CountPlus функцияларын бақылау үшін, су жібермейтін пернетақтаны пайдаланыңыз.


| Техникалық сипаттамалары | |
|---|--------------------------------------|
| Салмағы | |
| 61 м [200 фут] 99 м [325 фут] | 19 кг [42 фунт] 24,5 кг [54 фунт] |
| Өлшемдері | |
| Ұзындығы | 830 мм [32,7 дюйм] |
| Тереңдігі | 450 мм [17,7 дюйм] |
| Биіктігі | 756 мм [29,8 дюйм] |
| Барабан диаметрі | 664 мм [26,1 дюйм] |
| Камера, тұрақты | |
| Ұзындығы | 31 мм [1,2 дюйм] |
| Диаметрі | 35 мм [1,4 дюйм] |
| Жарық шамдары | 6 жарық диодты шам |
| Деңгейді өздігінен теңестіретін камера | |
| Ұзындығы | 26 мм [1 дюйм] |
| Диаметрі | 35 мм [1,4 дюйм] |
| Жарық шамдары | 18 жарық диодты шам |
| Ажыратымдылығы | |
| NTSC стандарты | 656 × 492 пиксель |
| PAL стандарты | 768 × 576 пиксель |
| Зонд | |
| Түрі | FleXmitter® |
| Жиілігі | 512 Гц |

| Техникалық сипаттамалары | |
|--|--|
| Итергіш кабель | |
| Ұзындығы | 61 м [200 фут] 99 м [325 фут] |
| Диаметрі | 11,2 мм [0,44 дюйм] |
| Пластик әйнек өзегінің диаметрі | 4,5 мм [0,18 дюйм] |
| Минималды бұрылу радиусы | 114 мм [4,5 дюйм] |
| Түтік сыйымдылығы § | 51 мм – 305 мм [2 дюйм – 12 дюйм] |
| Жүйе кабелінің ұзындығы | 10 м [33 фунт] |
| Жұмыс ортасы | |
| Жұмыс температурасы ‡ | -10°C және 50°C [14°F және 122°F] |
| Сақтау температурасы | -10°C және 70°C [14°F және 158°F] |
| Бөгде заттардың кіруінен сақтандырғыш (мониторсыз) | IP×5 |
| Салыстырмалы ылғалдылық | 5 – 95 пайыз |
| Биіктік | 4000 м [13 123 фут] |
| Камераның тереңдік көрсеткіші | 100 м-ге [328,1 фут] дейінгі суға төзімді |
| § Түтіктің нақты сыйымдылығы түтік шарттарына байланысты. | |
| ‡ Камера жоғары температурада жұмыс істесе, бейне сапасы аздап өзгеруі мүмкін. | |

Стандартты құрылғы

- SeeSnake Standard камералы шарғысы
- Пайдалану нұсқаулығы
- Дөңгелектер жинағы
- Түтіктер жинағы
- Сомын кілті

Жүйе бөлшектері



Қауіпсіздікке қатысты арнайы ақпарат

⚠ ЕСКЕРТУ



Бұл бөлімде SeeSnake Standard түтік тексеру жүйесіне қатысты қауіпсіздік жайлы маңызды ақпарат берілген. Тоқ соғу, өрт шығу және/немесе қатты жарақат алу қаупін азайту үшін, осы ескертулерді құрылғыны пайдалануға дейін мұқият оқыңыз.

**БАРЛЫҚ ЕСКЕРТУЛЕР МЕН
НҰСҚАУЛАРДЫ КЕЛЕШЕКТЕ
ПАЙДАЛАНУ ҮШІН САҚТАП ҚОЙЫҢЫЗ!**

SeeSnake Standard қауіпсіздігі

- Құрылығын пайдалануға дейін, осы нұсқаулықты, сандық хабарлау монитормының нұсқаулығы мен басқа жабдықтардың нұсқаулығын оқып, түсініңіз. Нұсқауларды дұрыс орындамау салдарынан мүлік бүліну және/немесе қатты жарақат алу қаупі туындайды. Осы нұсқаулықты құрылғымен пайдалану үшін сақтап қойыңыз.
- Осы құрылғыны суда пайдалану тоқ соғу қаупін төндіреді. Пайдаланушы не құрылғы суда тұрса, жүйені пайдаланбаңыз.
- Бұл құрылғы жоғары кернеуден қорғау және оқшаулау жүйелерімен жабдықталмаған. Жоғары кернеу қаупі бар жерде пайдаланбаңыз.
- Құрылғыны бұзылу мүмкіндігінен қорғап, жарақат алу қаупін азайту үшін, механикалық соққы тию жағдайларынан сақтаңыз. Механикалық соққы құрылғыны бұзып, қатты жарақат алу қаупін арттырады.
- Дөңгелектер жинағын орнату үшін, берілген нұсқауларды орындаңыз. Дұрыс орнатпау салдарынан мүлік бүліну және/немесе жарақат алу қаупі туындау мүмкін.
- Құрылғыны пайдаланғанда не құбырларды тазалағанда, тиісті қорғаныс жабдықтарын қолданыңыз. Зиянды химиялық заттар не бактериялар болуы мүмкін құбырларды тексергенде, латекс не резеңке қолғап, қалқанды көзілдірік және тыныс алу құралдары сияқты тиісті қорғау жабдықтарын киіңіз. Көзге әрқашан арнайы көзілдірік киіп, оларды лас не бөгде заттардан қорғау қажет.

Пайдалану нұсқаулығы

Орналастыру

SeeSnake жүйесін құбыр аузына жақын орналастырып, итергіш кабельді монитор арқылы басқарыңыз. Барабан еркін айналуы тиіс. Шарғыны барабан еркін айнала алмайтын жерге қойсаңыз, кабельдің оралып қалуына себеп болып, мүлік бүлініп, қатты жарақат алу қаупі туындайды.



SeeSnake құрылғысы тұрақты болуы үшін, әсіресе үй төбесінде, ауа арнасының кірісінде немесе төбе еңісінде пайдаланғанда, оны артына жатқызыңыз.



Тексеру процедурасына жалпы шолу

Құбырды тексеру үшін, SeeSnake мониторын шарғыға жалғап, жүйені қосып, итергіш кабельді түтік арқылы жіберіңіз де, дисплейді бақылаңыз.

Суретке түсіру, зонд орналастыру, итергіш кабельді бақылау және хабар жеткізу сияқты нақты тексеру жұмыстарын монитормен бірге берілген нұсқаулықтан қараңыз.

Мониторға жалғау

Жүйе кабелін мониторға жалғау үшін қосқыш ашасын ұяшыққа туралап, тіке енгізіңіз.

ЕСКЕРТПЕ

Тек сыртқы бекіту жеңін ғана бұраңыз. Қосқышты ешқашан майыстырмаңыз немесе бүкпеңіз.



Камераны шығарып алу

Итергіш кабельді құбырдан баяу, біркелкі күшпен тартып шығарыңыз да, барабан ішіне шамалы бөлігін қайтарыңыз. Итергіш кабельді алып шыққан соң, қағаз сүрткішпен не шүберекпен сүртіп алыңыз.

ЕСКЕРТПЕ


Шамадан тыс күш салмаңыз және үшкір бұрыштарынан қатты тартпаңыз. Ұзынырақ бөлігін енгізу немесе күш салу салдарынан итергіш кабель оралып, бүгіліп немесе үзіліп қалуы мүмкін.

Құбыр бағыттауыштары

Құбыр бағыттауыштары камераны түтік ортасында ұстап, бейне сапасын жақсартуға және линзаларды таза күйінде сақтауға көмектеседі. Құбыр бағыттауыштары камера жүйесі тез тозбас не ескірмес үшін пайдаланыңыз.

CountPlus өлшегіші

Standard шарғысы қосымша CountPlus өлшегішімен келеді. CountPlus итергіш кабелінің барлық ұзындығын өлшейді және итергіш кабельдің нөлдік нүктесінен бергі қашықтықты (мысалы, құбыр басы не қосылған жері сияқты нүктеден бастап) өлшейді. Оны өзгертпелі мәтіндік слайдтар жасау үшін қолданылады.



Ақпарат: көптеген SeeSnake мониторларында мониторда қандай ақпарат көрсетілетінін, сақтау құралына не жазылатынын, тіпті кабель қашықтығын да бақылайтын функция болады. Бұл функциясының бар-жоғын монитордың пайдаланушы нұсқаулығынан қараңыз.

Қолданыстағы мониторда бұл функция болмаса, дисплейді CountPlus арқылы емес, монитор интерфейсі арқылы бақылауды ұсынамыз.

| Пернетақта | |
|---|---|
| Мәзірді ашыңыз. Экрандар мен мәзірлерден шығу үшін басыңыз. | |
| | <p>Мәзір</p> <p>Мәзір</p> <p>Слайдты өзгерту</p> <p>Ақпарат</p> <p>Құралдар</p> <p>Уақыт параметрлері</p> <p>Күн параметрлері</p> <p>Құрылғы параметрлері</p> <p>Шарғы және кабель параметрлері</p> |
| | <p>Таңдау</p> <p>Белгіленген элементтерді таңдау.</p> |
| | <p>Нөл</p> <p>Уақытша сегментті өлшеуді бастаңыз немесе тоқтатыңыз. Жүйе өлшемін нөл мәніне қайтару үшін басып тұрыңыз.</p> |
| | <p>Мәзір элементтері және мәтін таңбалары бойынша жылжыңыз. Слайд орналасуы экранында слайдтардың орнын ауыстырыңыз.</p> <p>Төмен</p> <p>Жаңа слайд жасаңыз немесе сақталған слайдтардың бірін таңдаңыз.</p> <p>Сол/Оң</p> <p>Сақталған слайдтар арасында ауысыңыз.</p> <p>Жоғары/Өзгерту</p> <p>Ағымдағы слайдқа өзгерістер енгізіңіз.</p> |
| | <p>Мәтіндік слайд</p> <p>Мәтіндік слайдты көрсетіңіз немесе жасырыңыз. Жаңа мәтіндік слайд жасау кезінде слайдтың орналасуы мен мәтін енгізу экрандары арасында ауыстырыңыз.</p> |
| | <p>Санау</p> <p>Санауды көрсетіңіз және жасырыңыз.</p> |
| | <p>Күн/Уақыт</p> <p>Циклдің күні/уақыты опциялары: күнді, уақытты, екеуін де көрсетіңіз немесе жасырыңыз.</p> |

Күтім және қолдау көрсету

Тазалау

Жүйені шүберекпен не нейлон щеткамен сүртіңіз. Қажет болса, жұмсақ тазалағыш не зарарсыздандыру сұйықтығын қолданыңыз. Жүйені тазалау үшін ерітінділерді немесе қысымы жоғары суды пайдалануға болмайды.

Бөлшектеріне күтім көрсету

Камера басы

Камераға түскен сызаттар оның тиімділігіне онша әсер етпейді. Камера сызаттарын жою үшін ысқыш заттарды немесе құмды пайдалануға болмайды.

Итергіш кабель

Итергіш кабельді барабанға қайта жіберенде оны шүберекпен сүртіп, кесілу не жыртылу белгілерін көзбен тексеріңіз. Итергіш кабельдің сыртқы қабы жыртылса немесе бүлінсе, кабелді ауыстырыңыз не жөндеңіз.

Сақтау

SeeSnake Standard құрылғысын құрғақ және қауіпсіз жерде, -10°C және 70°C [14°F және 158°F] аралығындағы температурада сақтау қажет. Құрылғыны балалардың не оны қолдануды білмейтін адамдардың қолы жетпейтін жерге қойыңыз.

Қолдау көрсету

Жүйені пайдалануға қатысты қолдау не қосымша ақпарат алу үшін, support.seesnake.com/standard вебсайтына өтіңіз.

Техникалық қызмет көрсету және жөндеу

Техникалық қызмет көрсету не жөндеу дұрыс орындалмаса, камералы шарғыны пайдалану қауіпті болуы мүмкін.

Камералы шарғыны рұқсаты бар RIDGID тәуелсіз қызмет көрсету орталығында жөндеу қажет. Ең жақын қызмет көрсету орталығын табу үшін не жөндеу жұмыстары жайлы ақпарат алу үшін:

- Жергілікті RIDGID таратушысымен хабарласыңыз.
- RIDGID.com вебсайтын қараңыз.
- RIDGID техникалық қызмет көрсету бөліміне rttechservices@emerson.com мекенжайы арқылы не АҚШ және Канадада елдеріндегі 1-800-519-3456 телефоны арқылы хабарласыңыз.

Қоқысқа тастау

Жүйе бөлшектерінің құрамында қайта пайдалануға болатын құнды материалдар бар. Материалдарды қайта қолданумен айналысатын жергілікті мекемелер болады. Бөлшектерді барлық қолданыстағы ережелерге сай тастаңыз. Қосымша ақпарат қажет болса, қоқысқа тастау бойынша жергілікті құзырлы мекемемен хабарласыңыз.



ЕК елдері: электрлік құрылғыларды үй қоқысымен бірге тастауға болмайды!

Еуропаның электрлік және электрондық құрылғыларды қоқысқа тастауға қатысты 2002/96/ЕС ережесіне және әр мемлекет ережелеріне сай, қолданыстан шыққан электрлік құрылғыларды бөлек жинап, қоршаған ортаға зиянын келтірмейтін жолмен тастау қажет.

Батареяны тастау

ЕК елдері: бүлінген не қолданыстан шыққан батареяларды 2006/66/ЕЕС ережесіне сай тастау қажет.

Ridge Tool Company
400 Clark Street
Elyria, Ohio 44035-6001
USA

1-800-474-3443

Ridge Tool Europe
Schurhovenveld 4820
3800 Sint-Truiden
Belgium

+32 (0)11 598 620

© 2018 Ridge Tool компаниясы. Барлық құқықтары қорғалған.

Бұл нұсқаулықтағы барлық ақпарат дұрыс болуы үшін көп күш салынды. Ridge Tool компаниясы және оның филиалдары құрылғылардың не бағдаламалық жасақтаманың не екеуінің де сипаттамаларын ескертусіз өзгерту құқығын сақтайды. Осы өнімге қатысты соңғы жаңалықтарды және қосымша ақпаратты көру үшін, RIDGID.com вебсайтына өтіңіз. Өнімді жетілдіру жұмыстарына қарай, осы нұсқаулықтағы суреттер мен басқа да көріністері әр түрлі болуы мүмкін.

RIDGID және RIDGID логотипі – Ridge Tool компаниясының АҚШ-тағы және басқа елдердегі тіркелген сауда белгілері. Осы нұсқаулықта аталған барлық басқа тіркелген және тіркелмеген сауда белгілері өздерінің тиісті компаниялардың меншіктері болып табылады. Үшінші тарап өнімдері тек қана ақпараттық мақсатта аталған және бұл оларды құптау немесе ұсыну болып танылмайды.

Printed in USA

2018/04/09
744-003-529-KK-0A Rev A

RIDGID


EMERSON